

ҰЛЫ ДАЛА ЕЛІНІҢ ҰЛЫҚ МЕРЕКЕСІ ТӘУЕЛСІЗДІК КҮНІ ҚҰТТЫ БОЛСЫН!

Мың жасаған шаһардың шамшырағы



ҚОҒАМДЫҚ-САЯСИ ГАЗЕТ

АЛМАТЫ

АҚШАМЫ

№154 (5188),
16 желтоқсан, сәрсенбі, 2015 жыл.

almaty-akshamy.kz E-mail: almaty-aksham@mail.ru

Газет 1988 жылдың
1 шілдесінен бастап шығады



ISSN 2223-2370



Ақжолтай ақпарат



Тәуелсіздік күніне
орай алматылықтар
метрода тегін
қатынайды

«Метрополитен» МКК баспасөз
қызметі хабарлауынша 16 желтоқсан
күні «АТФ банк» демеушілік жасауымен
Алматы тұрғындары мен қала қонақтары

МӘҢГІЛІК ЕЛДІҢ МАҢЫЗДЫ ҚҰЖАТЫ!

Елбасының «Қазақстан жаңа жаһандық нақты ахуалда: өсім, реформалар, даму» Жолдауы елдің бірлігін, ынтымағын арттыру бағытындағы маңызды құжат! Тәуелсіздік алғаннан бері егеменді елдің іргетасы берік қаланды.

Бұл құжат – Мәңгілік елге жол тартатын ұлы реформалардың жалғасы. Жолдаудың түпкі көздегені – Мәңгілік ел идеясын ілгері ұластыру. Жолдауда «Біздің мақсатымыз – елі бақытты, жері гүлденген қасиетті Отанымыз Қазақстанды Мәңгілік ел ету! Әлемдегі ең дамыған 30 мемлекеттің қатарына қосылып, бай да қуатты елдермен иық түйістіру. Біз бұл мақсатымызға міндетті түрде жетеміз» деп, бүгінгі ахуал елдігімізді танытатынын айғақтап, болашаққа нық сенім артты.

Сонымен қатар, бұл ахуал, ақиқаты бізді де айналып өтпес жаһандық дағдарысқа қарсы тұрып, дес бермей ілгері дамудың жолын бағыттайды. Аса күрделі, қиын кезеңге аяқ басқанымызды аян етеді. «Біріміз – бәріміз үшін, бәріміз – біріміз үшін» деген қағиданы ұстансақ, алынбас қамал, аспас асу жоқтығын, онда қазіргіден де биік табысқа жетіп, өрге өрлейтінімізге шек тудырмайды. Әрине, бұл жаһандық дағдарысты жеңуге бекем бел буып, Мәңгілік елге бет бұрудағы жарқын бастау. Мәңгілік ел болсақ, Тәуелсіздігіміз де мәңгілік болары аян. Ұлт Көшбасшысының да көздеген мақсаты осы! Одан өрі Жолдауда бес бағыт бойынша дағдарысқа қарсы және құрылымдық кешенді жаңартуды жарқын жолға қоюды қарастырады. Мәселен, қаржы секторын тұрақтандыру, бюджет саясатын оңтайландыру, жекешелендіру және экономикалық бәсекелестікті ынталандыру мен жаңа инвестициялық саясаттың негіздері және жаңа әлеуметтік саясатты халыққа ұғындыра келе Елбасының «Мен 2017 жылдан бастап жаңа жоба – «Баршаға арналған тегін кәсіби-техникалық білім» бағдарламасы басталатынын жариялаймын. Үкіметке оны жасауға кірісуді тапсырамын» дегені Жолдауда білімге ерекше назар бөлгенінің нақты дәлелі.

Қазіргі таңда әл-Фараби атындағы Қазақ ұлттық университетінің журналистика факультетінде ұлттық төлім-тәрбиені студенттер санасына сіңіру, ұлттың рухани жаңаруын ғылыми негізде жандандыру, «Мәңгілік Ел» идеясын игілікке ұластыру өзіндік өресін тапқанын мақтан тұтамыз.

М.НЕГІЗБАЕВА,
әл-Фараби атындағы ҚазҰУ
журналистика факультетінің доценті.